
Beeban Kainibaire ibukin Mwakuri n Ibuobuoki ao Waaki ni Kakukurei ibukiia Kairake.

Reirei ma kainibaire aikai a kantaningaki bwa a na buokia aia taan kairiiri te roronrikirake ao aika ikawai ngkai a na uaia n marooro n barongai mwakuri n ibuobuoki aika a na uaana ao takaakaro aika a kakukurei man kaunga. Reirei ma kainibaire aikai a kona naba ni kabonganaki bwa bwaai n ibuobuoki n te titeiki, uoote, ao boowi ni kauntira irouia kairake.

REIREI

Waaki ni kakukurei a riai ni baireaki ao ni kairaki irouia taan kairiiri n te kooram ma te kiraati, n reitaki ma te boutoka mairouia taan buokiia kairake ni ikawai. Waaki ni kakukurei a riai n:

- Kakorakora aia animaki te roronrikirake iroun Tamara are i Karawa ao Natina, Iesu Kristo, ao n buokiia te roronrikirake ao aia utu ni waaki nako iaon kawain te berita ngkai a kaitarai kakaewenako n te maiu.
- Buokiia kairake ni katiaki mwakuri ni kamaiu ao kariatataaki (taraa *Aeniboki ni Kabuta: Beku n Ana Ekaretia Iesu Kristo ibukiia aika Itiaki ni Boong aika Kaitira* [2020], 1.2, ChurchofJesusChrist.org).
- Angania te roronrikirake te boutoka ao te mwaneaki man kakorakoran te boonano n te kooram ma te kiraati ao man kakorakoran aia reitaki ma aia roro, aia taan kairiiri, ao aia utu.
- Anga te tai ae baeranti ibukia kairake bwa a na ibuobuoki imarenaia ao n kakorakorai tamneia, aia reitaki ma aomata, marurungia, ao wanawanaia (taraa [Ruka 2:52](#)).
- Anga taai ake ko kona ni buokiia iai ataeinimwane ao ataeinnaine ni katauraoni n kakoroa nanon tabeia aika tabu.
- Iri ni kabane aron ana tararua ma tabeua tuua ni kairiiri n te Ekaretia (taraa safety.ChurchofJesusChrist.org).

KAINIBAIRE

Tuua ni kairiiri aikai imwina a kona ni bitaki nakon aron te waaki inanoaa, iaan aia kariaia taan kairiiri n te tabo:

- Karaoa te mwakuri ni ibuobuoki ao waaki ni kakukurei ni katoa wiki ngkana e kona. Mwakuri n ibuobuoki ao waaki ni kakukurei a kona ni uarereke tain kakaraoaia ni kaineti ma are a kainnania ao angaraoina nakoia kaain te kooram ma te kiraati ma a riai ni karaoaki ni katoa namwakaina.
- Karaoa te karenta ibukin teniua te namwakaina imwain te tai. E na taraaki n aio bwa waaki ni kakukurei aika manena man kakaewenako are baeranti mwaitina, ni kaineti ma kainibaire aika i eta, a baireaki n tobwai kainnania kaain te kooram ao te kiraati temanna ma temanna.
- Karekea aia tai kairake n karaoi mwakuri n ibuobuoki aika uaana nakoia temanna ma temanna, utu, ao kaain te kaawa. Tarai kainnania ao nanoia kaain te kooram ao te kiraati n tatabemania ngkai ko kaungaia n taben nanoia tabeman.
- Ibukina bwa ikotan aia waaki n kakukurei ataeinimwane ao ataeinnaine e bon ibuobuoki, karaoia ni katoa namwakaina ngkana e kona. Te ikotaki n te waaki ni kakukurei ibukiia ake a ikawai riki a riai n kabatiaaki karaoaia.
- Angania kairaike aia tai n kaei bwabwaro ao kaembwa:
 - Kairake ake e nang koro 14 te ririki ao iaona a riai ni iraa te FSY maungatabu ni katoa uoua te ririki. Aia bwabwaro kairake ao mwanangaia a kona ni karaoaki n ririki are e aki iai karaoaki aia bwabwaro ae te FSY.
 - Aia kaembwa Aaeinnaine ao aia kaembwa kaain te Nakoanibonga ae te Aaron e kona ni karaoaki ni katoa ririki.
 - Kaembwa ao waaki ni kakukurei ake tabeua a kona naba ni karaoaki. Ibukiia ataeinimwane, teniua nakon onoua riki kaembwa ao waaki ni kakukurei ni katoa ririki a na kaungaaki, ngkana e kona ni karaoaki.
- Kakaie iango ibukin waaki ni kakukurei n te kooram ao te kiraati iaon ChurchofJesusChrist.org/youth/childrenandyouth/discover. Kabongana *Ibukin Kakorakorakia Kairake* (2011) bwa te bwai ni ibuobuoki n bairean waaki ni kakukurei.

BWAAI N IBUOBUOKI

- *Aeniboki ni Kabuta*, mwakoro 10, 11, ao 20
- YoungWomen.ChurchofJesusChrist.org
- AaronicPriesthoodQuorums.ChurchofJesusChrist.org